

Tata Morto ta Mihó

E famia ta ataká di tur banda. Algun herida ta okashoná dor di gruponan ku ideologia radikal. Ma mayoría daño ku e famia ta sufri awendia ta bin dor di nos mes kapricho i egoísmo.

Nos a hinka den nos kabes ku nos por ignorá e struktura familiar ku nos Kreador a diseñá, esta un hòmer i un muhé kasá ku otro bida largu i nan yunan. Nos ke sa nos por hòrta shòrt sin sufri e konsekuensianan. Ma nos ta haña nos den un káos sosial nètamente **pasobra** nos ta insistí ku nos sa mihó ku Dios!

Eksper-tonan ta avisá ku **nos yunan ta sufri daño ireparabel pasobra nos ta insistí pa buska nos propio interes**. Divorsio, bibamentu, hañamentu di yu sin kasa, èts. ta ehèmpelnan di nos mentalidat “ami promé” ignorando nesesidatnan di e yunan.

Dr. Sara McLanahan di Universidat Princeton a splika den su buki, *Growing Up With a Single Parent*, “Muchanan ku ta lamta den un kas ku un mayor biológiko so, pa averahe, nan bida ta mas malu ku muchanan ku ta lamta...ku ambos mayor biológiko, irespekto di rasa òf edukashon di e mayornan.” “Adolesente-nan ku a biba apart di un di nan mayornan pa un tempu durante nan niñes tin dos bes mas chèns di no kaba skol atvansá... haña yu promé ku 20 aña di edat, i 1½ bes mas chèns di sinta pornada--sin bai skol i sin bai trabou—ora nan tin binti piko aña.”

Segun sikólogo i profesor na Universidat di South Carolina, Dr. George Rekeers, “Estudionan a dokumentá ku muchanan sin tata ku mas frekuensia ta laga di deseá akadèmikamente, tin mas defisiensia kognitivo i intelektual, tin mas problema pa kustum-brá, tin mas rísiko pa desaroyá problemanan sikológiko-seksual.”

Dr. David Popenoe, eksperto riba tereno familiar na Univer-dat Rutgers a afirmá: “Mi konosé poko otro tópiko dokumentá ku e evidensia ta favoresé un banda disididamente. En general, pa yunan, famianan ku dos mayor ta preferibel...Si nos punto di bista aktual di struktura familiar a dependé solamente di evidensia dokumentá, e debate aktual nunca lo a surgi mes.”

Nos por pensa ku un adulto adishonal den kas lo ta solushon pa famianan ku mayornan soltero. Ma eksper-tonan ta insistí ku nò! Un sosiólogo di Universidat di Pennsylvania a bisa: “Mayo-ria estudio ta demonstrá ku muchanan ku nan mayor a bolbe kasa no ta desaroyá mihó ku muchanan den famianan ku un mayor so; di bèrdat, mayoría (estudio) ta indiká ku, pa averahe, ora e mayor ta bolbe kasa e muchanan tin mas problema.”

Ta notabel ora un mayor ta keda soltero pa motibu di morto di su kasá, yunan ta adaptá **mas mihó** ku si e mama òf tata ta soltero pa otro rason. Ta parse ku motibu pa esaki ta pasobra ora un mayor ta muri, tòg e ta mantené sierto outoridat, influensia, i liderato moral den e famia. Normalment e yunan ta keda ku un impreshon positivo di e mayor morto. Potrèt di e defunto ta keda kologá na muraya. E biuda ta papia positivo di su kasá ku a fayesé. I hopi bes e mayor ta korigí mal komportashon ku e rekordatorio: “Bo tata (òf mama) lo no aprobá di esei!”

Ma ki sintido e pregunta ei tin pa e yu si e tata a bandoná su famia, no ta hasi kaso di su yu, òf ni ta konosí? Ningun! E mucha ta sinti ku su tata no tin interes p’è i no ta preokupá kiko e ta hasi. P’esei, sikiatra di mucha, Dr. James Egan di Hòspital di Mucha na Washington, D.C. ta afirmá, “**Un tata morto ta mas efektivu ku un tata ousente.**” Ki un komentario spantoso!

Apesar di loke Dios i eksper-tonan ta bisa, nos no ke tende. Nos sa mihó! Komo resultado, e kantidat di mamanan soltero ta krese dia pa dia...perhudikando mas i mas di nos yunan presioso!

Ku rason Beibel ta bisa, “*Tin un kaminda ku ta parse bon den bista di hende, ma su fin ta e kaminda di morto*” (Proverbionan 14:12). Nos a skohe e ruta ku nos a kere ta esun mas plasentero, ignorando Palabra di Dios. Tristu ta ku ta nos yunan inosente ku tin ku sufri e konsekuensianan di nos piká!